


## 2020-miit 2024-mut Qaqortup qeqertaasaani inuussutissarsiornermut illoqarfiullu ineriartornissaanut aqqissuussaanermut pilersaarut.

Allakkiaq una "Qaqortup qeqertaasaata ineriartornissaanut ilusilersuinnarlugu titartakkap" ineriartorteqqinneratut suliaavoq, taannalu 2917-imiit 2028-imut Kommunimi Pilersaarummut ilanngunneqareerpoq. 2020-mi upernaakkut Qaqortumi inuussutissarsiortut suleqatigiiffiata Innovation South Greenlandip, innuttaasut kajumissusertik aallaavigalugu suleqataasut Kommune Kujallermilu pilersarusiornermik immikkoortortaqaarfiup akunneranni kinguneqartussamik suleqatigiinnikkut pilersinneqarpoq




Maannakkut illoqarfiup ineriartorfigisinnaasai killilerujussuupput, pequtigalugu suliniutitut nutaanut illoqarfiullu pioreersup iluani sanaartornissamut inittussuseq ataatsimut isigalugu atoreerneqarsimalermat. Mittarfiarfissap malitsigisaanik inissianut, inuussutissarsiutitut, ataatsimoorussanut sunngiffummullu siunertanut atugassanut nunaminertat nutaat atorineqanngikkallartut tikikkuminartut pisariaqartinneqarput.

Taamaalisukkut naatsorsuutigineqarpoq mittarfiup suliffeqarfiit nutaat avataaneersut pilersinneqarnissaannut soqutigisaqarneq nassatariumaaraa. Taamaalisukkutaaq najugaqartut illoqarfiup eqqaani nunaminertanik atugassinneqarnissamik qinuteqaatit, illuaqqat nammineq pigisat, aasarsiortarfiit, illuaqqat attartortittakkat takornarianullu illuaqqat piviusunngortinneqarnissaannut utaqqimaartoqarpoq. Pilersarusiaq ataatsimoorutut siunissarlu ungasinnerusoq aallaavigalugu suliarineqarpoq Innovation South Greenlandillu Inuussutissarsiutitigut ineriartortitsinissamik periusissiamini suliniutitut tunngavilersuutaalluni.

Pilersaarusiaq suliarineqarpoq, peqqutigalugu illoqarfimmi maannakkut innuuttaasunut nuuttunullu sanaartorfissat nunaminertallu sanaartorfigiuminarsakkat atorineqarsinnaasullu amigaataammata. Nunaminertat pilerinartut sanaartorfigiuminarsaanermullu akileraarutit akueriuminartut ineriartortitsinermik pilersitsinissamut periarfissaassapput. Aaqqissuusaanermut pilersaarutip siunertaraa sapinngisamik pitsaanerpaamik taamaallaat taakkuningga pilersitsinissamik periarfissiinissaq, taamaallutik suliffeqarfiit aallartiterusullutik kissaateqartut tikilluaqquneqarsinnaaniassammata. Inuusuttunut inissiat aammattaq atuareernerup kingorna Kommune Kujallermiiginnarnissamut pissutaqaatasunut ilaassapput.

**Qulaani aaqqissuusaanermut pilersaarut najoqqutaralugu siunertanut makkununga nunaminertat immikkoortinneqarsimapput:**

- |                      |  |
|----------------------|--|
| 1: Erhverv           | 9: Arktisk Kultur-Center               |
| 2: Centerområde      | 10: Sprængstofdepot                    |
| 3: Boliger           | 11: Skiløjpe                           |
| 4: Hotel             | 12: Vandspærrezone                     |
| 5: Hytter            | 13: Lufthavn                           |
| 6: Friluftserhverv   | 14: Friholdt til udvidelse af Lufthavn |
| 7: Rekreativt område | Mulig vej                              |
| 8: Ny Kirkegård      |  |



## 1: Inuussutissarsiutit:

1. Nuupiluk: 2017-imiit 2018-imut Kommunimut Pilersaarummi takuneqarsinnaavoq Nuupiluup mittarfiullu akornanni aqqusineramik atassusiinissaq kissaatigineqartoq iluatsillugulu suliffissuarnut naatsorsuussamik umiarsualiviliortoqarnissaa. Taamanna ilutigalugu umiarsualivik aatsitassarsioqatigiiffinnut aallartikkumaartussanut inissaqartitsinissaq kiffartussinissarlum isumaginarlugulu usingiartarfissatut, containereqarfissatut nioqqutissiorfissanut inituunut atorineqarsinnaasariaqassaaq. Nuupilummi umiarsualivik aammattaaq Narsamut ilaasartaammum attaveqaatitut atorineqarsinnaassaaq.
2. Mittarfik: Mittarfiup ingerlanneqarneranut atatillugu miittarfiup kitaata-tungaani nunap ilaa inuussutissarsiutinik ingerlatalinnut ingerlatsivinnullu naatsorsuussaq ilanngunneqarsimavoq.
3. Qummut: (siusinnerusukkut sukkaniuttarfik CrossKartertarfiusimasoq). Sumiiffiup ilaanut minnerumaamut tassunga Kommunimut pilersaarutip ilassaatur pilersaarusiortoqarpoq, tamannalu suliffeqarfinnut mikisunut akunnatumillu angissusilinnut atorineqarsinnaalluni. Aqqusinniornikkut nunap ilaa avannaata-kangiani sumiiffiup ilaani suli inuussutissarsiornermut nunaminertanik ineriartfiusinnaasunik periarfissaqarpoq Nunap ilaa tamanna suliffeqarfinnut mikisunut akunnatumillu angissusilinnut ammaavigissallugu maannakkut pisariaqartinneqarpoq, soorlu suliffinnik aallartitsisartunut, suliffeqarfinnut avataaneersunut aamma suliffeqarfinnut inuusuttunit nutaamik aallartisarlutik pilersitsiniartunut.
4. Sissami/kangerliumanermi nunap ilaa siusinnerusukkut inuussutissarsiortunut naatsorsuussaq: Nunap ilusaa assut sivingavoq tikikkuminaatsuullunilu. Tamatumunnga tunngatillugu nuna qanoq annertutigisap sanaartorfigiuminarsarneqassanersoq naatsorsorneqarsimavoq. Mittarfiup aqqusernaniit nunap ilaanut sissamullu aqqusinniorneq assut akisuvoq.
5. Eqqaavissuup eqqaani inuussutissarsiuteqarneq: Eqqaaviissup eqqaani illuttut inuussutissarsiutinut illuliorfissat periarfissaasinnaasut nalunaarsorneqarsimapput. Illuliorfissanut taakkununga misissueqqaarnerit sanaartorfigiuminarsaanermullu aningaasartuutissat aamma naatsorsorneqarsimapput. Nunap ilaa atorineqalersinnagu annertungaatsiartumik qaartiterneqaaqassaaq.

## 2: Eqiteriffiusoq:

Innovation South Greenland suleqatigalugu illoqarfiup qeqqa maannakkut piusoq tamaat isigalugu pilersaarusiortifigineqarsimavoq. Suleqatigiinneq tamanna suli naammassineqanngilaq, taamaammallu 2020-p ingerlanerani illoqarfiup qeqqanut pilersaarusiaq naammassisimassasoq naatsorsuutigineqarpoq.

## 3: Inissat:

1. Qummut. Qummumi inissianik ataatsimoorussanillu siunertalinnik inerisaanissami Kommunimut pilersaarutitut ilassut suliarineqarpoq. Taamaammatt aqqussuussaasineramik pilersaarummi tamatumani Qummut aamma Prinsessip aqqusineramik atassusernissaat aamma pilersaarusiortifigineqarpoq. Periarfissaq taanna siusinnerusukkut misissorneqareersimavoq, nunallu taakku marluk akornanni ikaartarfiliornissamik pilersaarut suliarineqarpoq. Pilersaarusiap taassuma malitsigisaanik assigiinngitsunik siunertaqarluni nutaarpaalunnik sanaartorfissaqarpoq.

#### **4: Akunnittarfik/-fiit:**

1. Miittarfissap tungaanut aqqusineq sinerlugu: Mittarfissap tungaanut aqqusineq sinerlugu akunnittarfimmik/-nnik inissiiffissamik/-nik periarfissat marluk suliarineqarput. Sumiiffinnut taakkununga marlunnut tunngatillugu akunnittarfimmik ingerlatsinermi makku ilanngullugit isumagineqarsinnaapput: eqqaani sunngiffimmi sammisassat, qajarissanik attartortitsineq, qissattaatit/aalisaatit, sisorarnermut atortut il il.

#### **5: Illuaqqat:**

1. Eqalugaarsuit, Akinnaat aamma Iterlak: 2017-imiit 2028-mut Kommunimi pilersaarummi atuuttumi nunap ilai illuaqqiorfissat pingasut illoqarfiup eqqaani illuaqqanut, assarsiorfinnut imaluunnit illuaqqanut naatsiivittalinnut naatsorsuussat ilanngunneqareersimappuit. Taamaammat sumiiffiit ilai taakku pingasut Aaqqissuussaannermut pilersaarummi ilanngunneqarsimapput.
2. Iterlak: Tamatuma saniatigut Aaqqissuussaannermut pilersaarusiaq Iterlaap avanna-tungaani sissaq sinerlugu illuaqqiornissamut periarfissiivoq.

#### **6: Silami inuussutissarsiutit:**

1. Mittarfissat tungaanut Iterlammi aqqusernup kitaata-tungaa sinerlugu sumiiffiup ilaa silami inuussutissarsiutinut ilanngunneqarpoq. Tamanna ssilami nunap ilaa najugaqartunit, ilaasunit aqqusaartunit, akunnittarfimmi/illuaqqani najugaqartunit aamma takornarianit atorneqarnissaa naatsorsuutigineqarpoq.

#### **7: Nunap ilaa sukisaarsartarfik:**

1. Mittarfissap avannaata-kangiani sumiiffiup ilaa sukisaarsarfissatut naatsorsuunneqaluni ilanngunneqarpoq. Tassunga tunngatillugu golfertarfimmik imaluunniit peqatigiiffiit sammisaqartitsivissaattut ilanngunneqarpoq. Nunap ilaa mittarfiup kangia-tungaaniittoq qanillattuummik aqqusineeraliorfigineqartariaqassaaq.

#### **8: Iliveqarfittaaq**

1. Avannaata tunnggaani iliveqarfittaamut ilanngunneqarpoq.

#### **9: Issittumi Kulturikkut Illorsuaq:**

1. Kommunimut pilersaarutip ilassutissaa Issittumi Kulturikkut Illorsuarmut tunngasoq suliarineqarpoq, tassani neriariartarfiit, umiatsiaasiviit vikingit umiarsuaannik sananermik angalaarnermillu pikkorissaannermut atugassiat, tutut uumasut (Issittumi Uumasusivik), naatitsiviit uunnaasarfissallu ilanngunneqarlutik.

#### **10: Qaartiterutaasivik:**

1. Mittarfiliornermut atatillugu qaartiterutaasiveqarnissaq siunertaralugu toqqorsiviliornissamut Kommunimut pilersaarutitut ilassutiliortoqarpoq.

#### **11: Ujakkaarnermi illernit:**

1. Nuupiluup eqqaani sumiiffiup ilaa najugaqartunut takornarianullu ujakkaartartunut illinilorfissangorlugu suliarineqarpoq.

## **12: Imeqarfiup eqqaa sanaartorfigeqqusaanngitsoq:**

1. Sulisartut Højskolianniit mittarfissap tungaanut aqqusinissap tungaanut aqqusinermik atassuteqaatissamik pilersitsisoqarnissaa kissaatigineqarpoq, tamaalilluni angallanneq annertoq illoqarfiup qeqqatigoortinnagu najugaqarfiillu eqimattat (Nakkartarfik, Qaava aamma Qummut) avaqqullugit ingerlanneqarsinnaaniassammat. Nuna tamanna imeqarfiup eqqaani sanaartorfigeqqusaanngitsumiippoq, taamaammat Namminersorlutik Oqartussat immikkut akuersissummik qinnuteqassapput, imaluunniit imeqarfiup sanaartorfigeqqusaanngitsup killeqarfiata allanngortinnissaa isumagalugu.
2. Taamatutaaq inuussutissarsiuteqartut suliffeqarfii Tasersuup kujataata-kippasissuaniittut inissisimaffiisa ajornartorsiutaanerata aqqiivigineqartariaqarpoq.

## **13: Mittarfeqarfik:**

1. Mittarfissap sanaartorneqarnissaa Kommunimut pilersaarutip ilassutissaatut suliarineqarpoq. (nunap ilaa qorsuusoq issoqqaarisooq) Nunap ilaa tamanna mittarfeqarfimmi sammisanut tamanut atuuppoq.

## **14: Nuna sanaartorfigeqqusaanngitsoq mittarfiup allineqarnissaanut atugassiaq:**

1. Nunap ilaa sungartoq mittarfeqarfiup ungataaniittoq siunissami mittarfiup tallineqarnissaa kissaatigineqalissagaluarpat qulakkeerinnissutissatut toqqarneqarsimavoq.

Nalunaarsukkat: Qaqortup qeqertaasartaanut Aaqqissugaanermut pilersaarussiaq taanna piviusunngortinneqassappat illoqarfiup killeqarfiata allineqarnissaa Naalakkersuisunut qinnuteqaatigissallugu pisariaqarpoq, ullumikkummi illoqarfiup killeqarfia maannakkut atuuttoq tamaallaat aallaavigineqarmat. 2017-imiit 2028-imut Kommunimut pilersaarummi mittarfissamut, qaartiterutaasivissamut Ilterlammilu sukisaarsaartarfissaq sumiiffiit ilaattut toqqarneqarsimapput. Avannamut illoqarfiup ilanissaata qulakkeerneratigut siunissami naammattunik nunaminertaqarnissaq qulakkiissavarput.

Teknikkeqarnermut Avatangiisinullu ingerlatsivik

Pilersaarusionermut immikkoortortaqaqfik, ulloq 15.5.20/ks